

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
DOM NARODA

Primitljeno:	19-09-2017		
Org. jed.	Broj	Priloga	Vrijednost
02-02-	935/17		

10x

Osman Ćatić, predsjednik Kluba delegata bošnjačkog naroda

Tomislav Martinović, predsjednik Kluba izaslanika hrvatskog naroda

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
DOM NARODA
n/r Lidija Bradara, predsjedavajuća

Sarajevo, 18.09.2017.godine

Na osnovu člana 177. i 178. Poslovnika o radu Doma naroda Parlamenta Federacije Bosne i Hercegovine, podnosimo Amandmane na Prijedlog Zakona o izmjenama i dopunama Zakona o prijevremenom povoljnijem penzionisanju branilaca odbrambeno - oslobodilačkog rata

AMANDMAN 1.

Član 1., 2. i 3. se mijenjaju i glase:

„Član 1.

- 1) U Zakonu o prijevremenom povoljnijem penzionisanju branilaca odbrambeno - oslobodilačkog rata („Službene novine Federacije BiH“, broj 41/13, u daljem tekstu: Zakon), u članu 3. u stavu (1) iza riječi „penziju“, riječi „i nastavlja im se isplata penzije do isteka roka iz člana 11. ovog zakona“, zamjenjuju se riječima: „ostvarenu ili potvrđene po odredbama tog zakona, ukoliko je to za njih povoljnije“.
- 2) U članu 3. Zakona dodaje se novi stav (3) koji glasi:
„Korisnicima prava iz člana 4. tačka 5. Zakona ponovo će se izvršiti preračun penzija na osnovu mjesečnog prosjeka nevalorizovanih plaća ostvarenih u posljednjih 5 godina prije ostvarivanja prava na penziju. Visina penzije odrediti će se u procentu od penzijskog osnova prema dužini penzijskog staža i iznosi za 20 godina 55% od penzijskog osnova, a za svaku narednu navršenu godinu uvećava se za 2%, s tim da ne može iznositi više od 75% od penzijskog osnova.“

Član 2.

U članu 10. Zakona dodaje se novi st. (2) i (3) koji glase:

„(2) Izuzetno korisnici prava iz člana 1. stav (1) ovog Zakona zadržavaju dostignutu visinu penzije u isplati koja im je bila utvrđena prije stupanja na snagu Zakona o prijevremenom povoljnijem penzionisanju branilaca odbrambeno - oslobodilačkog rata.

(3) Isplata penzija korisnicima prava iz stava (2) ovog člana i člana 1. stav (2) ovog Zakona uspostaviti će se kroz prijelazni period od 3 godine, na slijedeći način:

- a) Od 01.01.2017.godine penzija će se isplaćivati po isplatnom koeficijentu 1,161;
- b) Od 01.01.2018.godine penzija će se isplaćivati po isplatnom koeficijentu 1,32;
- c) Od 01.01.2019.godine penzija će se isplaćivati po isplatnom koeficijentu 1,485;

Član 3.

U članu 11. Zakona iza stava (4) dodaju se novi st. (5) i (6) koji glase:

„(5) Ponovna uspostava visine penzije iz člana 2. ovog Zakona vršit će se po zahtjevu korisnika prava u skladu sa odredbama Zakona o upravnom postupku.

(6) Pravo i isplata utvrđene visine penzije iz člana 2. ovog Zakona pripada najranije od dana stupanja na snagu ovog Zakona.“

Obrazloženje:

Fedralni Zavod za PIO/MIO je dao svoj komentar Prijedloga Zakona o prijevremenom povoljnijem penzionisanju branilaca odbrambeno -oslobodilačkog rata, koji je usvojen u Predstavničkom domu na 23. redovnoj sjednici. Prema aktu Federalnog zavoda PIO/MIO prva tri člana prijedloga su neprovodiva, tj. ne mogu se provesti u praksi. U amandmanima predlažemo novi sadržaj članova 1., 2. i 3. za koje smo dobili uvjeravanja iz Federalnog zavoda PIO/MIO da se ovakvi mogu provesti i njima se ostvaruje planirani cilj predloženih izmjena i dopuna.

Predsjednik Kluba izaslanika hrvatskog naroda

Tomislav Martinović v.r

Predsjednik Kluba delegata bošnjačkog naroda

Osman Ćatić s.r

Prilog:

- Akt Federalnog zavoda PIO/MIO broj: FZ 1/0-05-7-1585-1/17 od 21.08.2017.godine



- KABINET DIREKTORA -

OTPREMLJENO

Slana 20. 08. 2017. prilozi

Broj: FZ1/3-05-7-1585-1/17
Sarajevo, 21.08.2017. godine

BOSNA I HERCEGOVINA
Federacija Bosne i Hercegovine
FEDERALNO MINISTARSTVO ZA PITANJE
BRANILACA I INVALIDA ODBRAMBENO-
OSLOBODILAČKOG RATA
n/r g-din Salko Bukvarević, ministar

PREDMET: Primjedbe na Prijedlog Zakona o izmjenama i dopunama Zakona o prijevremenom povoljnijem penzionisanju branilaca odbrambeno-oslobodilačkog rata usvojenog od strane Predstavničkog doma Parlamenta FBiH, dostavljaju se

Poštovani,

Prijedlogom Zakona o izmjenama i dopunama Zakona o prijevremenom povoljnijem penzionisanju branilaca odbrambeno-oslobodilačkog rata, usvojenog od strane Predstavničkog doma Parlamenta FBiH, predložena su određena rješenja koja su u praksi neprovodiva, pa smo smatrali potrebnim da Vam se obratimo kako bi iste na vrijeme otklonili, jer ukoliko se predloženi tekst usvoji u ovakvom obliku, isti će biti neprovodiv i izazvati dodatne probleme kod ove populacije.

Naime, ističemo da član 1. predviđa da se u članu 3. stav (1) mijenja i glasi:

"(1) Korisnicima prava na penziju koji su to pravo stekli prema Zakonu o potvrđivanju prava na prijevremenu starosnu penziju ostvarenu pod povoljnijim uvjetima ("Službene novine Federacije BiH", broj: 42/11 i 37/12), a koje su ostvarili po osnovu konačnih i pravosnažnih rješenja nastavljaju i dalje ostvarivanje tih prava u skladu s ovim rješenjima, uz primjenu koeficijenta iz člana 10. stav (3) ovog zakona."

2

Ističemo, da je veoma mali broj korisnika ostvario pravo na penziju po ZOP-u, a ostali korisnici (Uredba I, II i III) nisu ostvarivali pravo po ovom zakonu, nego su bez rješenja preuzeti na isplatu, po navedenom zakonu. Takođe, konstrukcija rečenice "nastavljaju i dalje ostvarivanje tih prava u skladu sa OVIM" nejasno kojim rješenjima.

Rješenje predloženog teksta člana 3. je neprimjenjivo iz razloga što se mijenja predloženi tekst stava (1), a ostaje raniji tekst stava (2) istog člana po kojem je propisano imperativno i obvezujuće preračunavanje svih korisnika iz stava (1) člana 3. Zakona.

Takođe, ponuđeni tekst Prijedloga Zakona uvodi u preračun i nove korisnike iz člana 4. stav (2) tačka 5. tj. pripadnike Oružanih snaga BiH i predviđa preračun penzija, ali na način da propisuje penzijski osnov, a ne i utvrđivanje visine penzije od navedenog penzijskog osnova, pa bi takva odredba u praksi bila neprovodiva.

Predlagač Zakona, u članu 2. mijenja član 10. koji propisuje zakonsku visinu penzije i ispladni koeficijent 1, te isti nepotrebno, nesistematski ubacuje izuzetne korisnike iz člana 3. predloženog teksta Zakona, a iste nije predvidio u predloženom tekstu člana 3.

Naime, tekst:

"(2) Izuzetno korisnici prava iz člana 3. Zakona zadržavaju dostignutu visinu penzije u isplati koja im je bila utvrđena prije stupanja na snagu Zakona o prijevremenom povoljnijem penzionisanju branilaca odbrambeno-oslobodilačkog rata",

pa se na sve korisnike iz člana 3. Zakona kroz prelazni period od tri godine primjenjuje ispladni koeficijent, što znači i na korisnike iz naprijed predložene citirane zakonske odredbe, što bi bila primjena koeficijenta na koeficijent.

Takođe, neshvatljivo je šta je predlagač Zakona želio postići sa naprijed citiranim normom. Jer iz iste se ne vidi i nije predviđeno koja kategorija korisnika prava po ZPPP-u ima pravo na podnošenje zahtjeva i preračun odnosno zadržavanje visine penzije po ranijem Zakonu o potvrđivanju prava.

Predlažemo, da preispitate predložene odredbe Prijedloga Zakona o izmjenama i dopunama ZPPP-a i uzmete u obzir dostavljene primjedbe i shvatite bojazan ovog Zavoda da se predložene odredbe neće moći provesti u praksi, te da će nakon eventualnog stupanja na snagu ovakvih izmjena doći do potpune konfuzije zbog neprimjenjivosti predloženih odredbi, a s druge strane do neispunjavanja očekivanja ove populacije korisnika prava, te da ovakav neprimjenjiv tekst Prijedloga Zakona hitno uskladite, ako je moguće, kroz parlamentarnu proceduru.

Zahvaljujemo na saradnji,

S poštovanjem,

Dostaviti:

1. Naslovu,
2. a/a.

DIREKTOR

mr Ziljo Krnjić